



NJOFTIM PËR MEDIA

Zyra e Rregullatorit për Energji (ZRRE), ju njofton se sot Bordi i saj ka marrë vendim për të Hyrat Maksimale të Lejuara të Korporatës Energjetike të Kosovës sh.a. (KEK) dhe të Operatorit të Sistemit të Transmisionit dhe të Tregut të Kosovës sh.a. (KOSTT), për periudhën pesëvjeçare për Operatorin e Sistemit të Transmisionit dhe të Tregut dhe Operatorin e Sistemit të Shpërndarjes si dhe për Gjenerim për periudhë katërvjeçare, duke filluar nga 1 prilli 2013.

Ky vendim është pjesë përbërëse e vendimit përfundimtar për tarifën e rregulluar të energjisë elektrike për periudhën e ardhshme tarifore. Po ashtu ZRRE do të publikoi Dokumentin përmbledhës, për këto të hyra, i cili po ashtu përmbledhë qëndrimin përfundimtar të ZRRE-së për një numër elementesh kyçe të cilët e përbëjnë çmimin total të energjisë elektrike. Ai gjithashtu përshkruan qasjen dhe qëndrimin e ZRRE-së lidhur me një numër të çështjeve më të gjëra që prekin të gjitha licencat. Së bashku me këtë dokument, ZRRE ka dhënë një dokument të detajuar me të cilin vlerësohen të hyrat e nevojshme për çdo të licencuar individual.

Bordi i ZRRE-së ka vlerësuar se të hyrat e lejuara të nevojshme për operim dhe zhvillimin normal të KEK-ut dhe KOSTT-it për periudhën e ardhshme tarifore, pas agjustimeve, të hyrat e lejuara maksimale për të gjithë të licencuarit do të jenë **224.59** milion euro për vitin 2013. Sa i përket viteve tjera, të hyrat e lejuara janë të cekura në Raportet përfundimtare e të cilat mund të pësojnë ndryshime pas agjustimeve vjetore dhe aplikimit të Faktorit profilizues (i cili lejohet të aplikohet duke u bazuar në Rregullat për Vendosjen e Çmimeve) për të zbutur rritjet e mëdha në mes të viteve.

Viti		2012	2013
MAR-I përfundimtar i Lejuar nga ZRRE	€m	215.6	224.6
Rritja reale e MAR			4.32%
Shitjet e Furnizuesit Publik	GWh	3,748	3,874
Rritja e shitjeve të Furnizuesit Publik			3.37%
Tarifa mesatare reale	€/kWh	5.80*	5.80
*tarifa aktuale			

Duhet të theksohet se të Hyrat e Lejuara Maksimale duhet të ndahen nëpër kategori të ndryshme të konsumatorëve dhe sipas udhëzimeve nga Bordi i ZRRE për strukturën tarifore. Vendimi përfundimtar për tarifën e konsumatorëve të rregulluar me pakicë do të merret pas aplikimit të Furnizuesit Publikë duke u bazuar në të Hyrat e Lejuara Maksimale të Operatorit të Sistemit të Transmisionit dhe të Tregut dhe Operatorit të Sistemit të Shpërndarjes si dhe të Gjenerimit. Lëvizjet e tarifave përfundimtare të konsumatorëve shtëpiak dhe tarifën tjera sipas kategorive do të mund të analizohen vetëm atëherë kur të merret Vendimi përfundimtar për tarifën e konsumatorëve.

Raportet Përfundimtare shumë shpejt do të publikohen në ueb-faqen e ZRRE-së www.ero-ks.org